



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. I. Qualiter quis sortiatur forum ratione domicili?

[urn:nbn:de:hbz:466:1-73001](#)

ARTICULUS III.

Ex quibus titulis, seu causis constituantur forum competens?

253. **S**upponendum, modos, seu titulos ordinarios, ex quibus alicui constituitur forum competens, communiter numerari quinque; nimirum 1. ratione domicilii, 2. ratione contractus; 3. ratione delicti; 4. ratione rei sitae; 5. ratione continentiae causarum: extraordinarie autem constituitur alicui forum, vel ratione privilegii; vel ratione assumptionis in aliquod Collegium, seu Universitatem; vel ratione causae, aut connexionis; de quibus in sequentibus. Unde aliqui titulum de continentia causarum reponunt inter titulos extraordinarios ratione illius sortiendi forum.

§. I.

Qualiter quis sortiatur forum ratione domicilii?

254. **D**omicilium apud Latinos usurpatur pro longi temporis habitatione; apud Juristas, & Theologos (teste Azor p. 3. l. 13. c. 15.) ubi quis habet rerum suorum sumam, id est, magnam partem, vel ubi larem; id est, familiam constituit, L. Cives, C. de incolis, l. 10. Unde ad domicilium requiritur, & sufficit unum e duobus; nempe quod quis familiam suam alicubi collocet animo nunquam recedendi, aut habeat magnam partem rerum suorum: & sic potest duabus locis habere domicilium. Juxta Belanum de Euthar. q. 74. a. 4. d. 3. n. 99. est discriben inter domicilium & habitationem: nam domicilium quis habere dicitur, qui in aliquo loco, animo ibi perpetuo commorandi, dicit: habitationem habere, seu habitare, dicitur in loco, ubi majori aripi parte commoratur, & hoc vocatur quasi domicilium, quod v. g. Scholastici externi in loco, ubi student sortiuntur.

255. Suppon. autem domicilium aliud esse originis, & aliud habitationis: hoc obtinetur per solam habitationem, dum modo quis habeat animum nunquam recedendi: illud comparatur per nativitatem, & obtinetur ratione domicilii, quod parentes obtinent. Non acquiritur (ut notat San-

chez l. 3. matr. D. 23. n. 3.) per nativitatem in loco, ubi forte parentes hospites, vel alicuius negotii causa, etiam per decepsum aderant. Nam talis singitur natus in civitate, ubi parentes domicilium habent. Datur quoque differentia inter domicilium originis, & habitationis, quod illud immutabile sit, hoc vero mutari possit, animo nempe & desertione.

Suppon. 2. quod domicilium originis propriè contrahatur in eo loco, in quo alius natus est, ex parentibus ibi habentibus domicilium habitationis; nam si nascitur in aliquo loco, ubi parentes non habitant, sed tantum transeunt, vel ad tempus sunt, natus sortitur domicilium originis in loco, ubi parentes ejus habent fixam habitationem; sic Bartolus in L. Filios, C. de municip. & origin. n. 4. Abbas in c. Rodolphus, de rescript. n. 9.

Suppon. 3. quod filius sortiatur domicilium non tantum ratione originis propriæ, ut dictum est, sed etiam in loco originis paternæ, seu in loco, ubi pater ejus natus est, & habet originem propriam, L. Cives C. de incol. L. assumptionis, & filius, ss. ad municipalem; ex hoc sequitur, filium, civiliter & criminaliter convenire posse, ubi habet domicilium originis paternæ, si ibi existat; Bartolus in cit. L. assumptionis, & filius, n. 2.

Suppon. 4. natum, vivente avo suo, sortiri domicilium, & forum originis avitæ, si tunc adhuc sit in potestate avi; quo tamen casti non sortitur originis paternæ, sed hoc non procedit respectu aliorum ascendentium, ultra avitum; Bartolus cit. n. 1, notat filium, vel filiam non sortiri forum originis maternæ, vel avorum maternorum, L. filios, 3. C. de municip. & origin. L. Exemplo, 36. C. de decurionib. nisi sit vulgo questus, qui patrem demonstrare non potest; aut sit spurius, qui per omnia matris conditionem sequitur adeoque etiam ejus originem; L. vulgo. 3. ff. de statu hominum.

Suppon. 5. domicilium originis adeo firmum esse, ut civis originarius, spectato jure civili, etiam mutato domicilio, jus originis retineat, ac ei renuntiare non possit, praesertim quoad munera, officiores, & alia onera personalia, ut docet Gail. l. 2. observ. 36. n. 5. ubi tamen nota hoc non obstat, domicilium habitationis, quoad jurisdictio-

dictionem, principalius domicilio originis, & ejus potiorem rationem habendam esse; glossa communiter recepta, c. statutum, de rescript. in 6. §. cum vero. V. unam dietam. Hinc enim est, quod quis ratione habitationis fiat simpliciter subjectus Judici loci, ut non tantum praesens conveniri; sed etiam absens citari possit, esto ratione originis quis fiat subjectus Judici loci, solum, cum praesens est in tali loco. Abbas c. 1. de foro compet. n. 6.

Suppon. 6. Domicilium originis non ideo dici *immutable*, quasi jura patriæ amitti non possint; sed quia, qui ex tali loco oriundus est, non potest negando tollere, ut inde non sit, unde oriundus est: ex communione tamen ferè omnium locorum consuetudine, præsertim in Germania, receptum esse, ut civis originarius alio transferens domicilium extra locum originis, perdat jura originalia, Gail. cit. observ. 36. n. 7. saltem quoad onera, & munera civitatis; Abbas in c. postulasti, h. t. n. 5.

257. Suppon. 7. Cum domicilium habitationis ibi quis habere dicatur, ubi latem, seu familiam, rerumque, & fortunarum suarum summam, seu substantiam constituit, animo perpetuo ibi manendi si nihil avocet (juxta Zoësum de foro compet. n. 5. ex L. Cives, C. de incolis) vel ubi possidet saltem majorem partem suorum bonorum, L. 2. C. ubi Senatores, vel Clarissimi: domicilium habitationis constitui animo, & facto; animo ibi perpetuo habitandi juxta dicta; & facto, seu actuali ibi habitacione, L. domicilium, ff. de municipib. gloss. V. facto. Quando dubium est de animo, præsumitur post continuam ibi 10. annorum habitationem; Bartolus in L. 5. Q. si tamen, n. 1. ff. de injuriis.

Not. autem cum dicitur acquiri domicilium in aliquo loco, animo habitandi in tali loco perpetuo per hoc aliud non intelligi, quam quod accedit non ita, ut constitutum habeat inde non recedere; sed quod indefinito pro nunc termino velit in tali loco habitare, & facto ipso habitet, etiamsi quandoque: sed animo redeundi, recedat, L. 7. C. de incolis, & ubi quis domicilium, ibi: *Cives quidem origo, manumisso, elecțio, vel adoptio; incolas vero domicilium facit. Et in eodem loco singulos habere domicilium non ambigitur, ubi quis latem, rerumque ac fortunarum suarum sumam*

constituit, unde rursus non sit discessurus, & nihil avocet: unde cum profectus est, peregrinari videtur; quod si redit, peregrinari jam desit.

Suppon. 8. Tunc dici quem habere *quaque* *domicilium* in aliquo loco, cum in eo habet habitationem ad longum tempus absque animo perpetuo ibi manendi. Per tempus *longum* hic intelligitur tempus supra medium, vel maiorem partem anni; quibus præmissis.

Dicendum, primum, & præcipuum titulum, seu modum sortiendi forum, esse in eo, quod quis habeat domicilium in tali loco; constat 1. ex L. 2. C. de Jurisdic. ibi: *Nam ubi domicilium Reus habet, vel tempore contractus habuit, licet hoc postea transstulerit, ibi tantum cum conveniri oportet. 2. ex L. heres absens, 19. ff. de Judiciis, & ubi quisque agere, §. si quis, 1. ibi: Si quis tutelam, vel curam, vel negotia, vel argentariam, vel quid aliud, unde obligatio oritur, certo loco administravit: & si ibi domicilium non habuit, ibi se debet defendere: & si non defendat, neque ibi domicilium habeat, bona possideri patietur. & §. illud sciendum, 4. ibi: illud sciendum est, cum, qui ita fuit obligatus, ut in Italia solveret, se in provincia habuit domicilium, utrobique posse conveniri, & hic & ibi.*

Et quoniam, ut dictum est. Supra, potest quis habere plura simul domicilia (visiris enim prudentibus visum est, duobus locis posse aliquem habere domicilium, si utrobique ita se instruxit, ut non ideo minus apud ceteros se collocaffere videatur, ut dicitur, L. 6. §. 2. ff. ad municip.) in quolibet eorum sortitur forum. Ut autem quis in aliquo loco dicatur vere domiciliaris, requiritur *animus*, & *factum*; animus nimurum perpetuo ibi habitandi juxta n. 257. & factum, ipsa scilicet actualis habitatio, ut dicitur L. *domicilium*, 20. ff. eod. junct. gloss. V. *facto*. Hinc, ut quis in duabus, vel pluribus locis dicatur habere domicilium in ordine ad effectum sortiendi forum, requiritur, quod in quovis eorum æquè instrutus sit ad habitandum, & sermè æquali parte anni in quolibet habet.

Pro horum ampliori explicatione not. 1. ut quis in aliquo loco dicatur acquisivisse domicilium habitationis, & incola censeatur, non requiri diuturnam inibi habitationem.

tationem; sed sufficere, quod eò pervenit animo ibi perpetuo habitandi; ut dicitur L. *Pupillus*, & *Incola*, ff. de verb. signif. Neque ad hoc opus est, quod habeat ibidem domum propriam; cum sufficiat habere, vel conductam, vel precari concessam, modò habeat animum in eo loco perpetuo manendi; nam sine hoc non fieret incola, seu domiciliaris, esto ibi domum emeret, aut bona sua transferret, per L. *Libertus*, 17. §. *sola domus*, ff. ad municipalem; nec obstat, quod, quis, postquam ad certum locum venit animo ibi perpetuo manendi, ex nova causa superveniente ab eo loco recedat animo alibi domicilium constituendi, ut habetur L. *Cives*, 7. C. de *Incolis*; ex hoc enim duntaxat sit, quod designat esse *incola*; non autem, quod prius non fuerit, ut colligitur ex ist. L. 7.

Not. 2. ubi occurrit dubium, an, qui per longum tempus, v. g. 10. annos, constanter habitavit in aliquo loco, censendus sit domicilium ibi nactus? si non constet de animo ibi permanendi, presumendum esse, quod sic, ut tradit Bartolus in L. 5. §. *si tamen*, ff. de jure jurand. n. 1. in quaestione autem, an, ut quis censeatur in aliquo loco incolatum, seu domicilium acquisivisse, sufficiat, quod impetraverit jus civitatis? Resp. affirmativa, si eò venit animo ibi permanendi; non autem secùs ex dict. à n. 254.

260. Quæstio præterea est, an quis ratione domicilii habitationis fiat *absolutè* subditus Judicis, vel Magistratus talis loci? adeoque tam in civilibus, quam criminalibus? Resp. quod sic; nam domicilium habitationis est proprium, & naturale forum, teste *Immola* in c. fin. b. t. n. 9. & tenet communis. Hæc potrò subiectio, ratione domicilii habitationis, duo specialia explicat relate ad Jurisdictionem Judicis, cui eo titulo subjicitur; primò, quod ex hac Judex domicilii jurisdictionē habeat in personā, etiam ubi moratur extra territorium; secundo quod subditū propter delictum, etiam extra territorium commissum (si non sit præventus extra territorium) citare, ac punire possit. Ratio utriusque est, quod domicilium habitationis naturaliter, & absolutè constitutum subditum; & jurisdictionem semel acquisitam auferre non possit sola absentia à territorio, non mutato domicilio.

Confirmari potest ex L. 1. C. ubi de criminis agi oport. junct. gloss. V. Reperiuntur; textus legis sic habet: *Questiones eorum criminum, que legibus, aut extra ordinem coercentur, ubi commissa, vel inchoata sunt, vel ubi reperiuntur, qui Rei esse prohibentur criminis, perfici debere, satis notum est; ubi alii volunt per illud verbum reperiuntur, denotari locum domicilii.* Unde etiam in c. fin. b. t. expressè dicitur ratione domicilii quem sortiri forum, seu constitui de jurisdictione Judicis illius loci, ibi: licet ratione delicti, seu contractus, aut domicilii, seu rei, de qua contra possessorem causa moveretur, *quibus forum quis regulariter sortitur*, &c. ubi tamen nota, licet quis *ratione domicilii habitationis* fiat *absolutè* subditus Judicis in tali loco; id tamen intelligi non utcunque quoad omnes causas; sed eas tantum, quæ sunt de foro, seu jurisdictione ejus; non enim Judex Laicus cognoscere potest de causis Ecclesiasticis; aut Ecclesiasticus de merè temporalibus incolarum, ut constat ex dict. à n. 66.

Not. 3. quando dicimus, quod jurisdictione Judicis ratione domicilii *habitationis* extendat se ad personam subditi, etiam ubi moratur extra territorium, debere intelligi quoad illos actus, qui non sunt præjudiciales Judicii, vel Magistratui alieni territorii, cuiusmodi foret *citatio verbalis*, de qua à n. 147. non autem *realis*, seu *captura* ejus; hic enim actus judicialis est, per quem aliena jurisdictione violaretur: secùs ille; hic fit in proprio territorio, licet ejus intimatio fiat extra illud. Ex his deducitur, quod Judex domicilii concurrat cum Judice delicti, ita, ut detur locus præventioni, atque in optione Actoris sit, coram quo hominem convenientem malit, ut colligitur ex L. *Heres*. 19. §. ult. ff. de *Judiciis*.

Quæstio 2. est, an & qualiter, ratione 262. domicilii *originis*, alicui constituantur forum? Resp. qualiter contrahatur domicilium originis, constare ex dict. à n. 255. quamvis autem hoc domicilio habitationis prævaleat *firmitate* (nam hoc amitti potest, si quis recedat à loco habitationis animo non redeundi, ut diximus; illud autem immutabile est; non quia iura patriæ amittere non potest; sed quia nemo negando, aut voluntate sua facere potest, quod

quod non sit oriundus è tali loco) domicilium tamē habitationis prævalere illi quoad jurisdictionem: hoc enim facit subditum absolutè, etiam absentem, & dum est extra locum suæ habitationis; illud autem solum cùm quis existit in loco originis; sic Bartolus in L. *assumptio*, §. *filius* ff. ad municipalem, n. 2. quod intellige quoad jurisdictionem contentiosam; nam, ut quis censetur subditus Episcopi per ordinem ad recipiendum ab illo Sacramentum Ordinis, non est necesse, quod existat in loco originis; sed sufficit, cum esse oriundum, seu ortum in ejus diecesi, de quo plura diximus lib. 1. cit. 11.

363. Quæstio est 3. an, & qualiter alicui constitutatur forum ex quasi domicilio? de quo n. 257. & seqq. Ad hoc probandum assumitur L. *Sciens* 2. C. ubi de criminibus agi oportet, ubi dicitur: *Sciens, liberum venundando, plagit crimen committit. Ab eo itaque, qui super hoc queri potest, aditus competens Judex, si is quem puerum ingenuum vendidisse proponis, ibi degit, ibi causam cognoscet.* junct. gloss. V. degit. & Abbat in c. *Quod Clericis*, b. t. n. 5. & facit lex *Senatores*, 2. C. ubi *Senatores*, ibi: *Senatores in pecuniaris causis, sive in hac alma Urbe sive in suburbanis degant, in judicio tam prætoriane, quam urbicaria præfecture, nec non magistri officiorum* (quoties tamē ad eum nostra pietatis emanaverit ius) *in provinciis vero, ubi larem fovent, aut ubi majorem bonorum partem possident, & assidue versantur, respondebunt.* Ex hoc enim deducitur, vi quasi domicili posse quem conveniri, tanquam domicilio minus principali; nec ad quasi domicilium acquirendum requiri, quod præter habitationem in tali loco per majorem partem anni, ibidem etiam habeat majorem vel certam partem bonorum; textus enim disjunctivè loquitur, *ubi larem fovent, aut ubi majorem partem bonorum possident.*

Dices: complures sunt, qui existiment legendum, *ubi larem fovent, aut majorem partem bonorum possident, & assidue versantur;* & ideo etiam Pirhing b. t. n. 19. textum citate legis *Senatores*, 2. refert sub dictis verbis: ergo ad acquirendum quasi domicilium non sufficit sola habitatio in tali loco per majorem anni partem. Resp. illud & sumendum pro particula disjuncti-

264
etiva aut; si enim præter hoc, quod quis in aliquo loco habeat majorem partem bonorum, requireretur etiam frequens ibi habitatio, non fortiteretur quasi *domicilium*, sed *domicilium simpliciter*, ut colligitur ex dict. n. 257. Hinc stat, acquiri quasi *domicilium* solā habitione in loco per majorem partem anni, licet inibi partem maiorem, aut dimidiā bonorum suorum non habeat; sic Innocent. in c. *ex parte*, 15. b. t. n. 1.

Præter dicta not. quod ratione quasi *domicilii* quis sortiatur forum, hoc est, fiat de jurisdictione *Judicis*, aut *Magistratus* in foro tam Ecclesiastico, quam *civili*, ut colligitur ex cit. L. 2. hinc fit, milites praesidarios, famulos, vel ancillas in locis, quibus famulantur, sortiti forum, ratione quasi *domicilii*, & conveniri posse super contractibus, & delictis, etiam alibi celebratis, & commissis, ex L. cit. id, quod Laymah L. 1. *Theol. mor. tr. 4. c. 12. n. 1.* extendit etiam ad eos, qui aliquantò breviori tempore, quam ultra medium annum, cum certo *Proposito* permanendi, negotii, vel negotiationis causâ, tabernati, vel officinam in aliquo loco fixerunt, aut conduxerunt; arg. L. *heres*. 19. §. *proinde*, ff. *de Jūd.* Hinc etiam ad questionem, an, qui quasi *domicilium* in aliquo loco fixerunt, acquirant ibi *jus Parochie*, & *Sacramento* recipere possint ab *Episcopo*, vel *Parochio* loci, tanquam ejus subditi in foro poli? Resp. affirmativè quoad omnia, excepto *Sacramento ordinis*; Sanchez L. 3. *de matr. D. 23. n. 12. de quo lib. 4.*

Haunoldus tamen tom. 5. tract. 1. n. 265
351. ad hanc questionem, an, ut quis forum sortiatur, sufficiat quasi *domicilium*, hoc est, animus in loco manendi non modico tempore? respondet loquendo de foro contentioso negativè; sufficere tamen, ut jurisdictioni *Episcopi* & *Parochi* subjiciatur quoad susceptionem *Sacramentorum* (excepto *Sacramento ordinis*) hinc Scholares non subjici *Magistratu* *Civico*, sed *Academico*, apud quem sunt immatriculati; sic ille; sed de Scholaribus V. dicta lib. 5. tit. 5.

Quæstio est 4. ubi forum sortiatur haeres, seu quod idem est, an haeres conveniti debeat in suo *domicilio*, an in loco defuncti? Resp. vel haeres convenitur ex persona, vel contractu defuncti, aut quasi contractu?

tractu? vel sine respectu ad defunctum, cuius est hæres? si secundum, convenientius est, ubi habet ipse domicilium; si primum, responderi debet cum distinctione. Nam vel cœptum est iudicium cum eo in vivis, cui postea defuncto hæres es; vel nondum est cœptum cum eo, etiam per citationem? si primum? hæres ibi in ea causa respondere debet, ubi iudicium cœptum est. Nam ubi iudicium cœptum est, ibi quoque finiri debet, L. Is qui Rome, ff. de Judic. & ibi gloss. V. debet. Si autem secundum? hæres convenientius est in loco, ubi defunctus debuit, aut potuit, si ibidem repetiatur; secùs autem convenienti poterit in foro sui proprii domicilii, vel ubi sunt bona hæreditaria, L. hæres, ff. de Judic.

267. Ceterum, quando queritur, quale domicilium attendi debeat in petitione hæreditatis? Resp. res hæreditarias ibi petendas esse, ubi mortis tempore extiterunt, ut habetur toto titulo Cod. ubi de hæred. agi oportet. Nisi alibi depositæ essent eo fine, ut illi perpetuò manerent, ut habetur L. 35. §. 3. ff. de hæredib. instit.

268. Quæstio est 5. quid requiratur, ut quis censeatur mutasse domicilium? Resp. tunc censi mutasse domicilium, quando à loco habitationis bonorum suorum maiorem partem in aliud locum transtulit, atque ipse etiam inde discessit, animo non redeundi, sed ibi manendi, quod se contulit; colligitur ex L. ex facto, 37. §. Rerum autem, 3. ff. de hæredib. instituend. ubi decernitur, quod quando duo hæredes instituti sunt (untis rerum Provincialium, alter Italicarum) hæres istarum, etiam servorum, vel pecuniarum in provinciam misfarum, ut merces, ibi cœmpta, in Italianam devehantur, hæres censitus sit, & ex rebus Italicis capienda sint.

269. Quæstio est 6. ubi vagi ratione domicilii sortiantur forum? ante resolut. not. scribi posse, quod quis caret omni domicilio; constat ex L. 27. Q. 2. ff. ad municipalem, ibi: puto autem & hoc procedere posse, si quis domitilio reliquo naviget, vel iter faciat, querens, quod se conferat, atque ubi constituat: nam hunc puto sine domicilio esse; quo posito: Resp. ex communione doctrina, ejusmodi vagabundos, qui nullibi domicilium, aut quasi domicilium habent, censi habere domicilium in loco,

ubi defacto existunt, ut ibi, ubi reperiuntur, conveniti possint, etiam ratione contractus alibi initi, ac puniri propter delicta alibi commissa; ut docet gloss. marg. in c. ult. V. aut domicilii, lib. 6. h. t. gloss. in L. Hæres. 19. Q. proinde, V. debebit, ff. de judic. & ibi Bartolus n. 4. Abbas in c. ult. n. 13. h. t. V. Sanchez lib. 3. matr. D. 25. n. 5.

Quæstio est 7. ubi Regulares, ratione 270. domicilii, conveniri possint? Resp. quod in loco Monasterii, in quo degunt tanquam in loco suæ habitationis; sic Abbas in c. Postulaft. n. 5. & c. fin. h. t. Quia verò diversæ possunt esse causæ, propter quas quis in iudicio conveniri potest, nec quilibet iudex loci (in quo quis domicilium, aut quasi domicilium habet) cognoscere potest de quibuslibet causis, ut constat ex dict. à n. 254. nec etiam de quibuslibet personis, ut certum est, non hoc ipso, quod quis in aliquo loco ratione domicilii sortiat forum, fit de jurisdictione cuiuslibet iudicis, talis loci; nec enim illus iudex Laius cognoscere potest de causis spiritualibus, licet in temporalibus sit iudex competens; & sic de aliis. Unde Religiosus convenientius est coram suo Superiore; domicilium porrò habitationis, quod habent Regulares in loco Monasterii, quo degunt, durat, dum ibi manent; & mutatur eorum translatione in aliud Monasterium.

Quæstio 8. est, ubi Clerici non Regulares conveniri possint ratione domicilii? quæstio fieri potest de causis tam Ecclesiasticis, quam temporalibus. Ante resolut. not. Clericum non regularem censi habere domicilium habitationis in loco, ubi habet beneficium, postulans residentiam; non autem secùs; ut ex communione doctrina tradit Innocent. in c. Exore, 17. de Privileg. & colligitur ex c. dilectus, 29. de Rescript. si dicas: ergo talis Clericus habebit plura domicilia habitationis, si habeat plura beneficia residentiam exigentia. Resp. cum distinctione, & concedo illatum, si in utroque æqualiter per se ipsum deserviat v. g. anno dimidio in uno; altero, in altero: nego autem illatum, si unitantum deserviat per se ipsum; alteri per Vicarium; quibus positis: Resp. Clericos non regulares ratione domicilii, quod habent titulum beneficii, in causis Ecclesiasticis convenire debere coram talis loci iudice

L

Eccle-

Ecclesiastico ; nam de his Judex Laicus cognoscere non potest ex dict. id , quod etiam procedit in causis personalibus , eorum, tam criminalibus, quam civilibus; imo & realibus rerum temporalium , nisi forsitan in aliud consentiat eorum Superior Ecclesiasticus, ut diximus à n. 66. aut causa temporalis versetur circa onera rerum temporalium , quæ cum tali onere, tanquam affixo rei, ad Ecclesiastas , ac personas Ecclesiasticas ransiverunt ratio constat ex dict. à n. 66.

30. D. 3. dicitur illud, cuius accusatio cui libet concessa est, ex eo, quod illius puni-
tio ad publicam utilitatem spectet, L. 1. &
2. ff. de publ. judic. Tale est. 1. omne,
quod directè fit contra Deum, vel res divi-
nas, ut heres blasphemia ; 2. quod fit
contra majestatem Principis, aut Reipubli-
cæ, quale omne læse majestatis ; 3. quod,
licet fiat contra privatam personam, lege
tamen statutum est, ut pro publico habeat-
ur, quale est homicidium, adulterium,
peculatus, ambitus, crimen falsi, repetun-
tarum, annonæ, vis publicæ, vel privatæ.

Crimen *privatum* dicitur, cuius accusatio
solum concessa est ei, qui injuriam , vel
damnum passus est, ut crimen furti , injuriarum, Stellionatus, L. fin. ff. de privat.
delict. Quando privato criminis statuitur
peccata pecuniaria, fisco applicanda , docet
Bartolus in rubr. ff. de popular. action. pos-
se ad eam pœnam accusare quemcunque
de populo: oppositum tenet Baldus in rub.
C. qui accus. non poss.

273. Crimen merè *Ecclesiasticum* est illud
(ut exponit Azor p. 2. l. 3. c. 53.) cuius
prohibitio ortum habet ex solo jure canonici,
vel simul cum jure divino, aut naturali,
sed absque civili ; ac proinde de illo solum
cognoscitur, & judicatur ex præscripto ju-
ris canonici, non civilis ; qualis heres.
Merè *civile* est illud, cuius prohibitio or-
tum habet ex jure civili, non canonico ;
proinde solum judicatur, & plectitur
ex præscripto legis civilis, quale v. g. pere-
grare urbem nocte post signum. *Mix-
tum*, seu mixti fori est, quod spectat ad u-
trumque forum, utpote prohibitum tum
jure canonico, tum civili, de quo proinde
Judex Ecclesiasticus & secularis cognosce-
re & judicare potest ; quale est sacrilegi-
um. Sed in his non omnes conveniunt.

274. Grave peccatum, seu crimen, vel deli-
ctum videtur coincidere cum lethali, si ac-
cipiatur formaliter, secundus, si fundamentaliter,
ut rectè asserit Hugo de Incar. D. 5. sect.
5. à n. 74. Nam grave peccatum, v. g. adul-
terium, sumitur duplicitate primò funda-
mentaliter, si committatur cum sola adver-
tentia ad oppositionem , quam habet cum
ratione naturali, & cum ignorantia , vel
in advertentia invincibili ad oppositionem,
quam habet cum Deo , prout offensa illius
est: Secundò formaliter, quando committitur
cum scientia vel advertentia ad opposi-
tionem,

§. II.

*An, & qualiter quis sortiatur forum ra-
tione delicti?*

272.

A Liqui distinguunt inter crimen , &
delictum. *Crimen* enim interdum
sumitur pro quolibet peccato , sed propriè
significat peccatum grave , & quod accu-
satione, atque condemnatione dignum est,
ut colligitur ex Concilio Toletano , c. Unum,
25. diff. in hac etiam significatione usur-
patur à Legistis, & pro ipsa accusatione su-
mitur L. 2. ff. de crimine expil. hered.
Delictum autem ex sua primæva imposi-
tione significat peccatum omissionis : *De-
lictum* enim dicitur quasi *derelictum*, & o-
missum , & est desertio boni, ut docet Hugo
in Miscell. c. 185. & Isidorus lib. different. c.
79. addit S. Thomas 22. q. 79. à 4. ad 1.
delictum strictè sumi pro omissione perti-
nente ad Deum, vel quando homo scien-
ter, & ex contemptu omittit id, quod face-
re debet. S. Gregor. II. Moral. c. 21. af-
firmat sumi pro peccato cordis : unde illud Psal 68. *Delicta mea te non sunt ab-
scindita.* Aliqui putant esse peccatum,
quod extenuat ignorantia, juxta illud psal.
18. *Delicta quis intelligit.* Sed in præ-
fens hæc distinctio non observatur. Cœ-
terum varia est criminum , & delictorum
divisio, de quibus latè egimus lib. 5. *Cri-
men* in eo rigore, quo accipitur pro pecca-
to accusatione, & condemnatione digno
est multiplex tam in genere, quam in spe-
cie. In genere vel est publicum , vel pri-
vatum ; vel occultum , vel grave , vel e-
norme, vel merè Ecclesiasticum , vel merè
civile, vel mixtum : item inexpiable, pi-
culare, capitale, & criminosum. *Publi-
cum crimen* (quod *populicum* vocat Moli-
nat. 4. D. 44. n. 1.) teste Lessio l. 2. c.